


PREUZEO!




UGOVOR

za nabavku pumpi za vodu za potrebe Zavoda zdravstvenog osiguranja Kantona Sarajevo i FZ PIO/MIO

Zaključen u Sarajevu između:

Zavoda zdravstvenog osiguranja Kantona Sarajevo, ul. Ložionička 2 (u daljem tekstu Ugovorni organ), kojeg zastupa direktor, mr.sci.oec.prim.spec.dr. Samir Turković

i
Bollex d.o.o., Zvornička 13, Sarajevo (u daljem tekstu Dobavljač), kojeg zastupa direktor, Božidar Kordić

PREDMET UGOVORA

Član 1.

Predmet ovog ugovora je regulisanje prava i obaveza između Ugovornog organa i Dobavljača kao izabranog ponuđača u postupku javne nabavke putem direktnog sporazuma za nabavku **pumpi za vodu za potrebe Zavoda zdravstvenog osiguranja Kantona Sarajevo i FZ PIO/MIO**, u skladu sa Odlukom o prihvatanju ponude broj 03-08-Dž.K.-45578-OPPDS/18 od 16.01.2018. godine, ponudom Dobavljača broj: 28/12-17-KB od 28.12.2017. godine, Pozivom za dostavljanje ponuda broj: 03-08-Dž.K.-45578-PDP/17 od 22.12.2017. godine i Odlukom o pokretanju postupka broj: 03-08-Dž.K.-45578-OPDS/17 od 21.12.2017. godine.

PREDMET NABAVKE

Član 2.

Ugovorena nabavka su **pumpe za vodu i usluge** koje moraju da zadovoljavaju tehničke karakteristike i količine kako je navedeno u sljedećoj tabeli:

R. b.	Naziv i opis	Količina
1.	Demontaža stare pumpe i nabavka nove Pumpe VCV 50/8	1 kom
2.	Saniranje druge pumpe VCV 50/8	
	- pakung gornji	1 kom
	- pakung donji	1 kom
	- O ring prstenovi	8 kom
3.	-Ležajevi na motoru 6208 ZZ	2 kom
	Saniranje elektro upravljačkog ormara	
	- nabavka i ugradnja	
	- sklopka Schneider 4 kW (ili ekvivalent)	5 kom
- bimetal Schneider 5,5 A (ili ekvivalent)	2 kom	
- Pomoćni kontakt	4 kom	
4.	Kompresor zraka vazduha 25l	1 kom



OBAVEZE UGOVORNIH STRANA

Član 3.

Dobavljač se obavezuje isporučiti robu/uslugu koja je predmet ovog ugovora, koja kvalitetom i količinom odgovara karakteristikama preciziranim u Pozivu za dostavljanje ponuda broj: 03-08-DŽ.K.-45578-PDP/17, na način i u rokovima regulisanim ovim ugovorom i ponudom Dobavljača na adresu koju odredi Ugovorni organ.

Član 4.

Ugovorni organ se obavezuje da nakon isporučene robe/usluge, saglasno narudžbi i cijeni iz ponude, ukoliko ista odgovara ugovorenom kvalitetu, plati ugovorenu cijenu na način i u rokovima određenim u Odluci o prihvatanju ponude broj: 03-08-DŽ.K.-45578-OPPDS/18, ponudom Dobavljača broj: 28/12-17-KB, ovim ugovorom, a sve u skladu sa Ugovorom o zajedničkom finansiranju poslovne zgrade u ul. Ložionička br.2, i to u procentu koji plaća ZZO KS 40 % od ukupnog iznosa, dok FZ PIO/MIO Središnja administrativna služba Sarajevo plaća 60 % od ukupnog iznosa.

Član 5.

Cijena robe/usluge koja je predmet ugovora će biti fakturisana na osnovu cijena iz sljedeće tabele:

R.b	Naziv i opis	Količina	Jedinična cijena bez PDV-a	Jedinična cijena sa PDV-om	Ukupna cijena bez PDV-a	Ukupna cijena sa PDV-om
1.	Demontaža stare pumpe i nabavka nove Pumpe VCV 50/8	1 kom	1.641,00	1.919,97	1.641,00	1.919,97
2.	Saniranje druge pumpe VCV 50/8					
	- pakung gornji	1 kom	205,13	240,00	205,13	240,00
	- pakung donji	1 kom	188,03	220,00	188,03	220,00
	- O ring prstenovi	8 kom	12,82	15,00	102,56	120,00
	-Ležajevi na motoru 6208 ZZ	2 kom	29,91	35,00	59,82	70,00
3.	Saniranje elektro upravljačkog ormara					
	- nabavka i ugradnja					
	- sklopka Schneider 4 kW (ili ekvivalent)	5 kom	68,38	80,00	341,90	400,00
	- bimetal Schneider 5,5 A (ili ekvivalent)	2 kom	102,56	120,00	205,12	240,00
	- Pomoćni kontakt	4 kom	28,80	33,70	115,20	134,80
4.	Kompresor zraka vazduha 25l	1 kom	333,00	389,61	333,00	389,61
Ukupna cijena bez PDV-a					3.191,76	
Ukupna cijena sa PDV-om					3.734,36	
Popust					-	
Ukupna cijena sa uračunatim popustom bez PDV-a					3.191,76	
Ukupna cijena uračunatim popustom sa PDV-om					3.734,36	
Ukupna cijena za Ugovor					3.734,36	
Slovima: trihiljadesedamstotinatridesetčetiri 36/100						

Član 6.

Plaćanje izabranom ponuđaču iz člana 5. ovog ugovora će se izvršiti na osnovu dostavljene fakture nakon isporuke robe/usluge koja je predmet nabavke, na žiro račun ponuđača koji je dostavljen u ponudi u roku do 60 dana.

ISPORUKA ROBE/USLUGE

Član 7.

Dobavljač se obavezuje da će ugovorenu isporuku roba/usluga izvršiti u roku do 7 dana, od dana potpisivanja ugovora na adresu koju odredi Ugovorni organ.

Član 8.

Dobavljač ima pravo na produženje ugovorenog roka ako je u isporuci robe i vršenju usluge u tom roku bio spriječen izvanrednim događajima koji se nisu mogli predvidjeti u vrijeme zaključenja ugovora.

Izvanrednim događajima se smatraju:

- prirodni događaji koji se smatraju višom silom (poplave, zemljotres, klimatski uslovi i sl.),
- mjere državnih organa,

Dobavljač je dužan da Ugovornog organa pismeno obavijesti o svojoj namjeri da zbog navedenih okolnosti traži produženje roka.

Član 9.

Ako Dobavljač zakasni sa izvršenjem isporuke robe i izvršenjem usluge iz razloga koji nisu obuhvaćeni članom 8. ovog Ugovora, Ugovorni organ će Dobavljaču plaćanje po fakturi za robu/uslugu u kašnjenju umanjiti za 20 %.

NAKNADA ŠTETE

Član 10.

Ugovorna strana koja skrivljenim ponašanjem ili nemarom dovede do neurednog ispunjenja ili neispunjenja ugovorne obaveze, pa navedeno prouzrokuje štetu drugoj ugovornoj strani, dužna je da štetu naknadi u cijelosti i to u roku od 15 (petnaest dana) od dana postavljenog kompletiranog i osnovanog zahtjeva za isplatu naknade.

PRESTANAK UGOVORA

Član 11.

Ugovor prestaje njegovim izvršenjem, odnosno obostranim ispunjenjem ugovornih obaveza ugovornih strana računajući od dana stupanja na snagu Ugovora.

Ukoliko Dobavljač izvan razloga iz člana 8. ne izvrši isporuku pojedine narudžbe, dužan je Ugovornom organu naknaditi štetu u vrijednosti iste.

Ugovorni organ je ovlašten da štetu iz predhodnog stava naplati umanjnjem pristiglih a neplaćenih faktura, za vrijednost neisporučene narudžbe.



Član 12.

Ugovor može prestati i prije njegovog izvršenja, u slučaju raskida.

Ugovorne strane mogu raskinuti ovaj ugovor:

- a) ako dobavljač redovno ne izmiruje svoje obaveze po osnovu direktnih i indirektnih poreza i ostalih javnih prihoda;*
- b) ako se utvrdi da isporučena roba i/ili usluga ne ispunjava kriterije iz ponude temeljem kako je zaključen ugovor;*
- c) ako je došlo do zaostajanja u isporuci robe i pružanja usluge koja je predmet ugovora,*
- d) u slučajevima kada se kod jedne ili obje ugovorne strane jave razlozi izvan njihovog utjecaja koji onemogućavaju dalje izvršenje ugovornih obaveza;*
- e) ako ugovorni organ ne izvrši svoju obavezu plaćanja po ispostavljenoj fakturi Dobavljača, a nakon uredno izvršene isporuke i/ili pružene usluge;*
- f) u svim ostalim slučajevima propisanim zakonom.*

Iz razloga propisanih stavom 2. alineje b), c) i e) ugovor se može raskinuti samo ako je prethodno upućen pisani poziv sa zahtjevom ispunjenje ugovornih obaveza i sa ostavljenim dodatnim rokom koji ne može biti kraći od 8 (osam) i duži od 30 (trideset) dana.

U svakom slučaju ugovor se ne može raskinuti zbog neizvršenja neznatnog dijela ugovorene obaveze.

Član 13.

Ugovor se raskida pisanom izjavom koja se dostavlja drugoj ugovornoj strani.

U izjavi mora biti naznačeno po kom osnovu se ugovor raskida, kao i dostavljen dokaz da je druga ugovorna strana prethodno, takođe pisanim putem, pozvana na ispunjenje ugovorene obaveze.

OSTALE ODREDBE

Član 14.

Svi sporovi koji eventualno nastanu iz ovog Ugovora rješavat će se dogovorom ugovornih strana.

Ako se spor ne riješi na taj način, za sudsko odlučivanje određuje se mjesna nadležnost suda u Sarajevu.

Član 15.

Dobavljač nema pravo zapošljavati, u svrhu izvršenja ovog Ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju Ugovora, odnosno od početka realizacije Ugovora.

Član 16.

Za sve ono što nije regulisano ovim ugovorom primjenjuju se važeći propisi i poslovni običaji u oblasti predmetnih nabavki i Zakona o obligacionim odnosima.

Handwritten initials/signature in the top right corner.

ZAVRŠNE ODREDBE

Član 17.

Sastavni dio ovog ugovora su:

- Odluka o pokretanju postupka broj: 03-08-Dž.K.-45578-OPDS/17 od 21.12.2017. godine.
- Poziv za dostavljanje ponuda broj: 03-08-Dž.K.-45578-PDP/17 od 22.12.2017. godine
- Prihvaćena ponuda Dobavljača broj broj: 28/12-17-KB od 28.12.2017. godine.
- Odluka o prihvatanju ponude broj 03-08-Dž.K.-45578-OPPDS/17 od 16.01.2018. godine.

Član 18.

Ovaj ugovor stupa na snagu danom potpisivanja od strane obje ugovorne strane.

Ukoliko ugovorne strane ne potpišu ugovor na istovjetan datum, danom stupanja na snagu ugovora ima se smatrati kasniji datum potpisa.

Član. 19.

Ovaj ugovor zaključen je u četiri (4) istovjetna primjerka od kojih svaka ugovorna strana zadržava po dva (2) primjerka.

Dobavljač

Bollex d.o.o.


Nebojša Kordić


Broj: 02.07.18,
Datum:

Ugovorni organ

ZAVOD ZDRAVSTVENOG OSIGURANJA
KANTONA SARAJEVO
SARAJEVO
CAPAJEBO

Mr.sc. doc. prim. spec. dr. Samir Turković

Broj: 03-08-Dž.K.-45578-UG/18
Datum: 31.01.2018. godine.